

Laiphong lailing, hei lap pu : Willem de vink

JESU MESSIAH



J
E
S
U
•
M
E
S
S
I
A
H

Pungao Üyong khongkumpu.

WILLEM DE VINK

Wangdang shongyingpa a aohi shi?



Angel- Mük e yengepu kahwang shongmokpa.

Blessing: Kahwange l jingne kahtalan e iye mongpu toi ling tam pu lan te sheminlampe toi mei ling tam hu nang.

Bible: Üjao lai me numan e Kahwange e kahtalan te hangke lei e püotükpa hatüo jeang epu oklak

Communion (Youngwanpa mo): Jesu pin lan e linge yange yepu jeang an khüo hei wuwingti kai e teih e tüo nang.


Cross: (Tangpem): Jesu e nying nying ke shaoshi e liyangki. Hatüowa Jesu pinlan khongkümpu jingne füo ja ngoh yangki.

Disciple(Pinlan): Jesu pheite woipa pinlan

Easter (Khrista yangeyepu nyih). Khrista yangyepu yepu mo mopu nyih yahnang. Tüo nyih pheijamshe Jehudilan e yin yepu mo yah nang.

Eternal life: (üküm yenangpu üyin) Jesu üyin pheikahwange mongeteih teihnang l lipu mepu yange ye okpu nge nang.

Forgiveness (ümengwinpu): Aohi o tüo me yewang yahpoi kahwang e ümeng win nang. Nange püoh yang pu jingne nange jan yange leijeiküma kahwange nante ümeng win phalak. Kahwange ümeng winpu oknang hangjingne tüman e ite wangpu shin e shangne tam yangki.



God's Kingdom: (Kahwang Angching) Kahwang Angching a kahtalan ngao jai pu nyoi me omnang.

Holy Spirit: (Üjao yaha): Jesu pheite woipu kahtalan pheikahwang yaha ngoh hu nang.

Jesu: (Jesus). Kahwang üha te leppu min "Kahwang e yinpu."

Messiah: (Khrista). Ütahpa Anghpa (Anointed King). Messiah a (Hebrew ngao) Greek ngao me khrista she lüppu ngohnang.

Prayer: (Yoppu) Nange kahwange te jüing e yejema wongme ngaonang hüyange nange i ngao jai nang.

Resurrection: (Yangeyepu). Jesu lipu mepu yange ye Nyih ja khongkümpu lipu mepu yange yelak. Hüyange kahta nyuha khongkümpu te ngao phenlak.

Return: (Lihyelak). Jesu kahtoknyu te leih e yewante khongkümpu üla ne menglak. Kahtok hei wang mioni ne menglak.

Satan: (Kahshih): mük e yengepu kahwang hei kahta wepa (kahshih te leppu ngohnang)

Sin : (ünü). Kahwange tüman jingne toi mei angpu te tüman e kahwange yemongpu toi linge pangnang.

Son of God: (Kahwang üha) : Jesu min lye kahwang kahtoknyu te kahwang üha, kahta, nyuha ne peiyangki.



Jesu Khrista a aohi shi?

Jesu a wangpeang haja ni (2000 yrs) shao me muh Israel me ngoh pei yangki. Tüman e Jesu Khrista she nyik nang. Tüote leppu a iya Anghpa ngohnang. Hüpoi iya Anghpa sha ha ne yeji. Jesu a Kahwang üha üneo kahta üha she inang. Tüote leppu a iya kahwang hei kahta moine jing ngohnang. Jesu üyin jeang a üjao lai nyanyange ngohnang. Tüo pungao a hepak ja me shetah pupa pungao ne ngoh nang.

Jesu Hipak

Tüman jin a Jesu puhpu hipak me ükong wangpu ngohnang. Kahtalan a ya me, gado, üdh hei koipong me kem e ngoh yangki. Europe, Middle East, hei Northern Africa lan jing nyoiching sheyongpu kahtalan e ipu hei nyanpu o yeshing pe ngoh, hüpoi Israel me ngohpu Jews lan e hei shing ngoh yangki. Iman te Kahtalan jing lai üla she nyik ngoh yangki. Kahwang e üjao lai me ngao e tam yangki. Iya shemin lamphe linge ngaipupa üneo kahtalan khongküm pu phei shümpa ne menghu teih. Jesu e hatüo jeang jaoshi e hño tam yangki.





Jesu Hepak mepu Israel lan

Capital (Jongching, Jerusalem)

Provinces: Yenghoi, Galilee, Samaria, Judea

Size: Shoipu Yongpu) Approximetely 28,000 km² (10,810 sq miles)


Climate: Wangyei subtropical

Politcal: Lüplang, 63 BC me muh (Khrista shao me) Roman lan a Israel phang me ngoh yangki.

Government (Sorkali) Pontius Pilate Roman Governor a Israel. e wanglam lam e ngoh. Tiberies, Roman Anghpa lan e ite wanglam lem e ngoh.

Religion: (Mengpu wanglam). Jerusalem me Jews lan jing khümjing ngoh yangki. Tüome ngenpa lan lam lam pu mengpu wanglam jingne linge ngoh yangki, üneo tüo me lai palan (Phariseelan) kahtalan te üjao ki mepu nyüo tam pu lan ngoh yangki.

Language: (Ngao) Hebrew (Jews lanjing ngao ngohnang) Greek (Bangnyuhan, khongkümpu e ngaopu ngao ngoh nang). Latin a Roman lan jing ngao ngoh nang.



Hangne hatüo kahtalan khongkümpu yengnah me jüm pu shi?



Kahwang anghching peiküki, Tüokhei nang nying nying te tümta yah!



Üyin üla ne wang tüoh!



Kahwang ngao phenpu wa a yalah me ngoh nang....



Ülick ümei yelick pu pea ak yange vün te jak shüplak!



Khongkümpu ak e win tamlak .Aohi üyin mei e ngoh ok lak eih?

Tüo mei mei e kih e! Kahwang ngao phenpu aohi o yinpu yeoklak. Hüpoi üphei me numan te ütök ümong khongkümpu jeilei tamlak kahta ütäm pei kulak.



Nang üyin me jeilei huküma nang e ünu khongküm jan e yeng me bapü tüoh!



Sha a nang a ünu mepu poi e winyange üyin üla ne wanglak!

Baptipa John te kahtalan e kon nyüolak jingne yeng nah te nyik e pei....

Taowa wongpong ne yeje. Tüman te kahwang a aohi eih hatüo jeang hüotam pupa te taowa e jingne tümta nang. I ye nangte kahwang üjao yaha üneo kahwang vün me bapti tam lak. Hatüo kai e nangte jeilei tamkülak.



Üneo



Taowa nange bapti tamhah she pu?



Ja ling tüoh. Hüma tüman e Kahwang mongpu ling kulak.




Opa, nang anghching pei ne ok üneo nange mongpu linglak!




Hüwante wangdang mepu ngaowüing e inang...

Ümm nanga üha. Taowa nangte kün nang üneo taowa nangte monghah nang.



Tüman hepak me ükhong wange muh Baptipa John e Israel lante Khrista peilak jeang l e tam yangki. Tüo hepak me a Isreal lan a Roman Anghching chingnyu me sheshoi pupa ne ngoh yangki.



Jews lan Israel e wong yenang pe shaoshi yateang e ngoh. Kahtalan e Khrista aope peilak keih she shüo yekao te lei e ngoh. Iya jewish la ülang pa me muh yinne tampa üja she itpu ngoh yangki. Hatüo Khrista kai e Jesu ngaoting pheio okpu ngi ne tamlak.

Jordan yengyin me, Baptipa John e Jesu te yak ton yangki.

Lei hu yah! Hatüo me kahtoknyu ünu wintam pu Kahwang nyee üha ngoh nang.



I bapiti yang pheio me, Kahwang yaha e Jesu a yüing nge te woi yangki.



I tüo me nyih deli (40) days phe deli ngoh yangki. I tüo me ngohwangte yehah pe ngoh. I linglak toishao jaoshi ngi ok jingne lye ngao le e yoppu khüm ngoh yangki.



Okpu ngilak jingne Jesu e kahwang teihpu juteih jaoshe e shinglak wongpong. Lipu shangshih mepu kahtalan lantampu a kahwangpa taitum hei ngohnang.

Mük e yengepu wanglam lampa kahtoknyu me wangnyak yaphen me lipu hei seanum pu yaphen me ngoh pu kahshih a Kahwang e yah.



Eih Opa! Nange hanghe tong taowe hatüo linglak keih.



Hüpoi kahshih, I heapa, e Kahwang toijong mepu Jesu e teihpu juteih t lo ne ngang yangki.

Nanga Kahwang üha ne mengma hatüo yong a ankhüo ne lingtam tüoh.

Yeji! Lai me nyan e ngoh nang. Kahta a an sha ha pheiyengoh oklak hüpoi Kahwang ngao o wongpong ne meng nang.

Nanga üting me Kahwang üha ne mengma hüo tehu! Khümjing noktok mepu kao tüoh. Wangdang shonyingpalan e ki e oklak a?

Nange üting me üte yatüh shing e yoppe khüm kü ma taowe nangte kahtoknyu me wanghei ngoipu khongkümpu phalak!


Tüokhei kahshih e kahwang sha shüp e tüoh. Wangdang shongnyingpa pei e ite jam yangki.

Ngao lai me hüke nyan yange ngohnang kahwang te numan e yetoklak yang.


Kahshih üte ange tüoh pha she lai me nyan e ngohnang. Kahwang ja shingha te tüman e yoppe dolak yang.

Jesu a Galilee te leih yewante üjao yaha e matei ngoh. Jesu a kahta shangtoi khak hite ngohpu Israel apye kao yenghoi me jong yangki I kem wante kahta mapu I pheite woiyangki. Jesu a hepa lan kai e nyan e angpu Khrista jeya she iman e yeonge lah nyik e teih yangki.

Cana me Galilee kahtang üken ja me üjao nokyampu ngoh yangki.....



Jesu inyu hei i shümnyu, shümpa ütäm pheï me jame jame mo ngoh yangki.





Hüpoi lam wosat me mo moyangki.....

Hanghe shangshih eih! Wüwungti kümme yüo yangki!

Jesu e hanghe l, hatüo ja lingtüoh!



Kümtük te yeang e ma tam tüoh hüyange mo nokpulan te hah ne tamtüoh.



Yeang? Hüpoi hatüo a wuwüngti üja! Üneo hanghi jing wuwüngti shi?



Jüp nyao tüoh! Nange wuwüngti shemei pupa üküm te ngoi e ang yangki!



Hatüo jeang manjai! Taowa hatüo kih e üjao nok yam pu mot e shao te ja me hehoi yeom. Yeang a wuwüngti ne meng yanki shemeipu pa wuwüngti !

Hatüo toi a Nazarath mepu Jesu e lingpu ngoh nang!

I ya aohi shi?

Capernaum a moiman pheipu nyah ompu chingnyu Galilee mepu yenungne ngoh yangki. Hatüo me esu e kahtalan te kahwang anghching jeang e ne ükong wang!



Üneo hatüo me lye l üwangpa pinlan le ngai yangki.



Peter, kei yeang ülu pa me lisheng me shunge kemhah üneo nange tüo ken me shan shai kei.



Konyaopa, tüman e wangnyak phapan e toi ling ngoh yangki hüpoi hango yepho ok.



Hüyangpoi nange ipu khei ma.....



Hanghi taowe hanghi te o üting yelak ok!





James! John!
Hatüo te
wenkei, Hatüo
wa jintepu
jingne phopu
nghoh nang!



Kahwang üte angtüoh pha!
Taowa yeong ünü
ompu kahta ja ngoh nang.

Peter nang tah nyam!



Peikei hüyange üpheite
woikei! Taowe nangte nyah
ompa ne mengtam phalak!



Üphei te woikei!

Jesu a I pinlan phei Galilee nyoiching khongküm pute Kahwang anghching jeang e ye kem yangki. Iye ünü yaha jang tei yange dak khongkümü mei e tam, tüo jingne kahtalan khongkümü yashan yange I tok phei te woi. Iman a alüo yenghoi üneo Jerusalem jing anghjong Israel mepu nehoyi pei yangki. Iman e I ngao khongkümü üpong ataope lin yangki.




Toihalan jingne moihei man. Kahwang anghching a iman jing ngoh nang.


Seo nyao yengle palan jingne moi hei man hangjingne iman mong me hulak.



Aoyin shap yah peih iman jingne moiheiman hangjingne iman ünü nyelak.



Üjingne kahtalan e nangte kon meng kon kuma mongmei tüoh hatüo nang jingne wangdang ching me khintak üyong ngoh nang.




Kahtalan e nangte hangke konhu e teih, hühik e nange o kahtalan te kon tüoh.



Nang wepa te kün yah hüyange iman jingne yop tüoh.



Nange deitah e yenai lak jingne toimei lowe lingtüoh.



Aoyin e yha te mong e ken e teih yah peih iya e mongjang me phong ngam pu toi ling nang. Aohi o kahta ni shao yeshan oklak. Kahwang yeje küma hakpa.



Mük a püm jing wangngai ngohngang. Nang mük jao shi e ngoh küma nang püm khongkumpu wa wongpong jingne wangngai ütee ngohngang. Hüpoi nang mük te wangphom nyeihpu ne mengma nang a wang nyak me ngoh kulak.



Aohi o kahta ni shao yeshan ok, hangne iya kahwang yeküma hakpa.




Ngai nyih pu jingne aope o mong tah shang. Kahwang anghching jingne üwangne teih tüo yah hüyange tüolan üshei nangte yah phalak.



Aoyin e üngao jai yah peih, tüolan a yong tang me nok wepu kahta kih ngohlak, hüpoi aoyin e üngao yejai yah peih iman pheih tang me nok wepu kahta kih ngohlak.





Nyih ja kahtalan ükhong jumpu ngoiching a Capernaum mepu Jesu nok ne ngoh yangki.

Tüman e aope o okpu yenge lak

Tüolan noktok, shin leng nye üneo tüolan khongkümpu ne ngoh kulak!



Iya hangkih e! Nange tüo jaiyah?

Iye kahwang te yüowyangki!

Kahwang shaha kai e kahtalan ünu mepu lan ok nang.



Ya phaipa kahta te nang ünu winyangpu lüotüöh she ipu pheishenyai pu a hanghe shi?



Tüo ken me hanghi ngohshon pus shi?

Ang tüöh! Tüolan shümpa lan me ütinglakpu yeong e ngoh nang.



Nang ünu win e tamyangki!



Khrista me ünu ümeng wintamlak jingne wong ngoh nang. Hüpoi taowa o l nang nang shinleng nge yahtüöh hüyange kemtüh!



Yashanglak!

Iya kem nang!

Ümm! Taowa kem ok nang!

Hüpoi Jesu lingpu toi te kahta lanshe mongmei pu yeje mengpu lane Israel me Jesu e Sabbath nyih wanglam khakshu e jon ya she shi leinang, üneo nyih me toi hango yeling lak jingne teen nang.



Hatüo kahta a yak yeonge wanpu kahta ngoh nang. Hatüo nyih me yeong e mei linglak jingne tam ya?



Nang yak laowe shue ngitüoh!



Oh! Taowa meiteki!



Tüman e ite lantamlak ngoh nang!

Jerusalem mepu woipalan iya jat woipa lan pin e wataipu she ilak yang!

Jesu a I pinlan phei Galilee yengyin me lisheng me kem yangki.



Üyongpa! Jampha! Tüman hüm e ta küki üsha te!




Nang hangne nyamki? Nang ütinglak pu wa apu?





Jüng e ngoh tüoh!
Yepope jünger ngohtüoh.




Iman e yengoching nah me lisheng
sha yangki. Hüpoi kahtang me....

RAAAH!




Ünu yaha ompu Kahta ja tüopa kahtang me ngoh nang....



I pei kuki

!! ugh!



O wei, owei, Jesu!



I te lantüoh, ünu yaha!
Ütahpa youngwanpa
Üha taowe nang te
hanghe lingtam lak shi?





Nangte hangke
minpu shi?
Tüpling hangjingne t
üman kahta üngang
ngoh nang.



Tüman tüo
aklan tangte
taihah.

Taitouh!







Taowe nante I nang. Kahwang üha nying nying te hango yeling oklak üpa kai e hanghi ling e nge iye hatüo hei ling nang. Taowe tao mongpu kih hango ling ne ye ngang hüpoi üpa mongpu kih e hei lingnang. I kai e hei üte shon tam yangki.




Jesu wüngkütüke ngoh pu nyoiching te hepak lep iye yop ne tainang.



Yaning yoppe khümpu hepak yahsho yange Jesu e lampulan pen me nit e le e ngai. Iye kahta ni pong shon e teiyang ke. Iye üneo daktin khongküm pute üngan wong pha yangki.



Iman a ijei inao Peter hei Andrew....



Jeinao James hei John...



Philip hei Nathanael....

Thomas hei Mathew ni
(aoyin shao te Roman
nyoiching tünpu me kah
ngin shaipa ne ngoh)



Thaddaeus hei alüo James....



Simon hokpu te teen
okpa hei Judas Iskariot.



Taitüoh, aoyin e nangte phapu tüo yah peih, üte
yah pha, üneo shon pu lante pha tüoh.



Lampulan pen me ni a iman
toijong mepu mongmei
sheiye ye yangki. Tüophei me
Jesu a wüngkutük
pu nyoiching jate iman phei
taihu e teih, hüpoi ükhong e
Jesu shaha aope o yetüoh.

Tahyah palan a ma ngoh hüpoi
toi lingpalan a üjingha hei ngoh
yangki. Tah yahpalan te jamlak
jingne toi lingpalan ma shonlak
jingne Kahwang te yoptüoh.



Jesu e ngaojang ngao we dak palan üneo meitam. Hepak shon e tainang....


Philip, hatüo kahtalan khongkümpu nük hangke tüolak shi? Nange imante ülam ja nehoi hangne yepha ki?



Likeng tet nanmee a ampu ken me o yewanglak a!

Hatüo me netan naha ja ankhüo nga üneo nyah ni phe ngohnang. Hatüo me ngohpu hülan ngohnang.


Kahta ükhong denga (50) shot lak jingne kahta yam tüoh.



Jesu e Kahwang te minyong pha

Iye an hei nyah ni pai khoih yangki.





Jesu e nük jalün e tampu kai e kahta haja mapu te uh ying yangki...



Iya pei ne she ngohpu Khrista ne ngoh külak.
Tüman e I te Anghpa ne menglak yang!



Lei hu yah: Hatüo me khok doo pen me ni (12) lanshe do yange ngoh nang



kahtalan nokte leih yelak jingne hepak owe pei nang. Nange lisheng yahyange alüo nyoi te taitüoh. Tao yoplak jingne kahtang me pei e ngoh nang.



Phei me....



Aaaah! Hatüowa ünu yaha ngoh nang!

Tahnyam. Tao ngoh nang!



Kahwang hatüowa nang ne mengma, üte yeng te nang shong te peilak jingne ekei!

Peikei Peter.



Kahwang üte yin pha!



Peter nang hangne ningnei pu shipu?

Kahtalan ütäm e Jesu a Anghpa üja she jaitam hu nang. Iye woipa phangme ngohpu Roman tünpa lan a jang e teilak she iman e monghüm e teih nang. Jesu phei weihpa lan o Jalon e ngoh nang. Iman e ite yelak pe ngao meng ngao hüm nang. Iman e I jingne kahtalan te lantam yange angtüoh hu nang.



Üyongpa nang hatüo te aope ngoi ei?

Taowe nangte an phapu jingne nanga üte yampu jeya?



Nük seamang lak te mong tah shang hüyangpoi jintepu üyin ngohlak nük ngoh nang.



Taowa jintepu üyin phapa an ngoh nang kahtoknyu te üyin phapu a ü püm ngoh nang.



Hatüo kahta e I püm hahlak jingne hanghe phalak shi?

Nushakpu mak/makshok nyoi!



Peikei tai hah.


Iya kahta lanshe pute lo e tam yangki.



Nang iman phei yetai hu a?

Kahwang, aohi tangte tai lak shi? Nang e ükum yenanpu ngao üyin phayangki!





Jerusalem chingnyu a- at me kahtalan hepak lep iye toinang. Iman a Roman lan te shaoshe pha e toipu kih e tangpem me yeong e shaoshi e dak e toinang.



Aoyin e üjing ne menghu yahpeih iya e nying nying te ükao ja me ngohlak wongpong e tangpem paiyange üneo üpheite woi lak wongpong.



Aoyin e l üyin e nying nying te tük lak keih iya mahlak. Hüpoi aoyin e l üyin üjingne mahlak keih iye yinyepu tüolak.



Nange shinglak wongpong, Kahwang a ja hei ngoh nang.



Nang me ngohpu üshei pheih Kahwangte kentak a jamloi pu wongpong ne ngoh nang üneo nange nangte kenpu kih e kahtalan te kenlak yang.

Hatüo hepak me Israel me ngoonpa ching ja ngoh yangki. Ngoonpa a sho me ma ngaipu dak ne ngoh yangki, Ngoonpa dak pahpu kahtalan a kahta ümei lan phei hüo ne yetam pe ngoh yangki.




Ngon palan wunyangki. Iman umken te tai yah peih kahtalante tei ngao pha e iman pei pu ngao lan pong e tam.

Ngon dakpalan!
Ngon dakpalan!



Jesu! Konyaopa! Toman te shüpshi haopha.





Taitüoh, nang nying nying te ngengpa te hüotüoh!



Ngengpa tangte taitüoh. Tokeleilak jingne?

Tüman aope meilak shi?



?

!



Lei hu yah! Tao mei teki!



Tüman a mei teki!

Ümm!



Hallelujah! Kahwang a mei nang!



Khongkümpu yeje, kahta pen (10) mei tam nang. Alüo lan a apu? Iman e Kahwang te minyong pha ne yepei pu a?



Lüotüoh nang ütinglakpu kai e nang meitam sha yeji hüpoi nang yin e ye nang.

Jerusalem mepu Jeswish
woipalan e Jesuyinkempu
te kuhshük lak jingne I
shongyinpalan shon
yangki. Iman e I ye lingpu
toite lanshe yemong.

I ye juteih ümeng ngohpu kahtalan lili phongngampulan,
ngin toijong palan aoyin e Roman lan pheih ngao yah peih
iman te jamhong nang....




Aoyin kahtalan mah e ngohyah peih
iman yin tamlak jingne Khrista peiyangki.

Hangjingne Jesu a Sabbath
nyih me mei tamyangki ...

Mei tam tüoh
meitamshih!



Üneo nahalan e I ngaopu te
yeong mong pha e jai yangki.....



Nahalan ütang te nyek pei kei.
Kahwang anghching a iman kih e
kahtalan jingne meng nang.

Jerusalem phei meiyang
yejai pu ching ja Bethany,
te Jesu a nyik yangki.
Lazarusa dak e ngoh.
Lazarus ni nya ni Martha
he Mary ni a Jesu jing
shümpa ümei ne ngoh
yangki. AopeJesu Bethany
te ngoi yah peih
iya Lazarus mang a
nyih pelishao te mu pu
ja she jaiyangki.



Kahwang nang hatüo
me ngohshih phang,
üjei yeli hah shepu!



Nang jei üneo yange
yekülak üja Martha.



Üneo Taowa shingnang.
Iya üneo yangeyepu
ükumpa nyih me üyin
ne menglak.



Taowa yange yepu hüyange
üyin. Aoyin e üte ütinglak lak
yapeih iman yinlak. Nange
tüo te ütinglak ya Martha?



Ümm Kahwang! Taowe
nanga Kahtoknyu te
janyangpu kih e yin ne
peipu Kahwang üha üja she
ütinglak e teih nang.



Nange mang a
ampu ken me mu ei?

Kahwang nang
peiyange leikei!





Jerusalem mepu wanglam lampalan a Jesu hei l pinlan jingne yeonge mongtoi tei pu ngoh yangki.



Tüo kahta e Kahnyin wangha toi yeonge ling yangki.

Tüman e hatüo yephen pe lingkü me Roman lan e toishao me haowe lingkülak!

Iman e tüman khümjing üneo jat li mengtam külak!



Nange nang juteih mei mei jontüoh kahmük khongkümpu mengtam pu pheii a jat jingne kahta ja lipu hei shemeilak.



Tüokhei Jesu muh toine he ngai külak!



Tüo hepak me muh Jews woipalan e Jesu a Roman lan yak te phalak yatühshao jingne lei ngoh yangki. Lipu jeang me khakshutamlak jingne iman shaha te oklak wong pha yangki



Jesu Bethany me ngoh wante...



Mary!



Tüo üpe ümei!
Yatühshao
ümei ngohngang!



Tüman e toihalan te
ngin phapu lakpu
shemei hahpu!



I shaha angtüoh, Judah
I ye I ye ümang mulak
jingne tümta nang.

Mamshe yinyepu mo ngoh külak. Kahta ükhong mapu Jerusalem te tai yangki.




Jerusalem mepu woipalan e Jesu pholak jingne taisheng e ngohngang. Tüoyangpoi iya bangchingnyu lam te tai yangki.





Anghjong chingnyu mepu khümjing a yoppe khümpu nyoiching hotan ne ngohyanki.



Yingyepu mo ngophu hepak me nyeelan toi lang e ngoh yangki.



Kahwang kahtalante mongken hah jieng lak jingne nyeelan a khümjing te do yangki.



Hüpoi aohipa phün phapu nyeeha kai e iman ünü mepu kahtalan yintamlak shi?




Khümjing khonyoi me kahtalan a pheileih e üneo shing hei ngin lei jei e yeong nan yengai pe ngoh yangki.



Jesu o ngoh nang....






Kahwang nok a yoppu nok ngohngang, hüpöi nange kuhpalan lolak nyöi ne ling yangki!



I ya wengtuah me ngohngang, Kahtalan e I ngao khongküm pute üpong ütöo pe lin yangki.



Tüman e I te mamshe lan e tamlak yang!



Tüman e ite lolam küma tüman e ite tüone ok. Üneo tüman e ite toi ne ok.

Hüpoi hatüo hepak me yeji. Tüman e yinyepu mo hepak me hanghi shangshih o yeyah hu.



Nange I jingne üte hangshin phalak shi?

Hatüowa I pinlan yo mepu sheja Judas ngoh nang!



Taowe nang yak te Jesu pha hah ma!



Tüman e nangte Jesu jingne khüm ükek delüm yah pha peih, rha lan jing ümee ne.



Jesu iyang ye shao me
ngohshao me khümjing me
kahtalan phei
ngaowe nyih ütinja ngoh,
woipalan lan e l te yelak pe
shaoshine tam yah poi, hatüo
kih e kahwange nang jingne
jieangeppu üla ling nang.



Tüonyih ünpong me Jesu hei e lampulan pen me
ni chingnyu me yinyepu mo hahlak.



Taowe linghah ma tenya!





Tao shaoshi shao me nang phei yinyepu mo hahlak jingne shaote muh tan e lei ngho yangki.



Kahtalan e wanglam me iman nem no ne tam, hüpoi tüowa alüo lam me nangte nei konlak wongpong.



Nang shaoshan palan a nang jing woipane menlak.



Taoa numan yo me shaoshanpa ne ngho nang.





Kahwang, nange üya poitamlak jeya rha pa kih e? Aoipe o yeje!

Peter taowe yepoi tam tü kü ma, nang a üjing ne yemenglak.



Kahwang, hüma ü shang hei yak o poi tam pha!

Aoyin e yengshao sho yahpeih iman shaha e ya tuh lak wongpong.



Nange üte Kahwang üneo üyongpa she nyikpu shunang. Taowe nang ya tuh tampu kheima, tüokih e numan ne o ja ja te tei namno lak wongpong.



Numan yome shija e üte lone epu yang.

Hangke jam!

Hatüowa Tao yeji pu kheino?



Judas, nange hanghi linglak ngoh yah peih mamshe lingtüoh!





Üte teih taolak jingne nange hepak lep iye hatüo lingtüh...



Hatüo an yah tüh, tüh an a ü püm ngoh nang.



Hatüo wan yahtüh, hatüh a üjing ye nang te shok tampu ngoh nang.



Taowe nangte ngaokeng üla phanang; Tao nangte kenpu kih e numan e ja hei ja te tei ken yah



Numan yo me hatüo ken pu ngoh küma, hüma khongkümpu e shinglak nang a üpinlan üja she.



Kahwang taowe nangphei üken phe te woilak .ktaowe ü üyin nangte phalak keih

Peter, awpong kapu hepak me nange üte lüm me lan külak.

Phei me tūo ünpong me, Jesu hei e pinlan chingnyu angtüoh yange tai. Judas a iman phei yengoh...

Taowe nang angtüoh ne inang, hüpoi üpa nang te üjao yaha shon külak. Iye nangte jamkülak üneo nang phei jinte ngohkülak.

Tao taipu nyoiching lam nange shing nang.

Taowa üting pa, lamnyu hüyange üyin ngoh nang. I ükaiye manpei üpa tangte aohi o yepei oklak.

Nang hatüo me ngohkei, Taowa yoplak jingne shejai she tai yang kü ning.

Opa, Ok küma, hatüo shaoshipu ümepu yahte pha.

Tüoyangpoi, taowe mongpu kih e yeji hüpoi nange mongpu kih e linglak!

Hatüo kihpu hepak me nang hangke shi okpu shi?
Lüotüoh! Üte lolam ne ipu kahta a hatüo me ngoh nang!



Tao ju hüppu pate tük tüoh.



Mongmei ngao
epp üyongpa!



Judas, nange Khrista te
ju hüppu pheii lotam ne
ipu a?

Kahwang,
Tüman telak
jeya?



Yeje!



Jesu I te yahteii hah. I pheite woipalan
lam khongkümpu te phet tai nang.



Jesu a ütahpa ngenpa tangte yah tei.
Jewish woipalan üshang tangte Peter
üneo John ni a üjai me woi e pei.



Peter a ghonyoi tüp te tai yangki.



Nanga I pheiyengoh a?



Yeji! Taowe tūo
kahta nehoyeshing.

Nanga iman yo mepu
sheja yeji pu a?



Yeji ja!

Taowe ütingpa she teih nang,
Nang a ngoh yangki! Nang a Gallilean!



Nange hanghi jeang ngaoya
peih taowe yeshing.



Äüoha ka pu.



Shejaipu me.....



Kei, tüman te itpu ngao e kei!
Nangte aohi e shungpu shi?



Napning shom me Jesu a Jewish woipalan
jempu nyoi te yah pei yangki.

Hatüowa nange
ipu kih e.

Nang a Kahwang a ha a?



Yaolepu phoipu! Iyalilak
jingne wang nang. Romans
lan e ite min gangang yah.

Jesu a Roman wanglamlampe üjengpa tangte yah pei,
Jews woipalan e tūo me lei e ngohpu lante lei e ngoh yangki.
Iman e yeshengpu khongkūm iyange üngwen yangki.



Nange hatüo ümeng phapulan
khongkūm pute hanghi i ei?
Hango Yeji?



Nang e hanghe ling ei?

Tao pei puwa üting
pa saki phalak jingne
pei yangki.



Üting a hanghi shi?



Taowe I me pūohpu hango
yengi Hatüo wa yang e ye mo
hei ngoh nang. Taowe aohi
te lantam lak shi?





Barabbas!

Barabbas!



Hüpoi Jesu nange üte hatüo phei hanghi ling tam hu nangki?

Tangpem me taktüoh!

Iye teihnang iya Anghpa!

Nange ite lantam küm a, nanga Caesar's shümpa yeji.



I nanleiyenang hei ngai tai oklak.

Barabbas a lantam nang. I ya lüplang manjong toiling pu jeang me püohpin pu tüo yangki.



37, 38, 39!



Taow e ly jingne hango manshing pu ha nga ngohngang.



Mongmei üngwenpu, Jews lan jing Anghpa!



Leihuyah! Hatüo kahta!


Tangpem me tak tüoh ite!

Tangpem me tak tüoh ite!

Tangpem me tak tüoh ite!





Nyam nyam shepu toilak ngaokeng phapu, Jesu e ite tangpem pekeng yonglah paiyange shaoshi e Jerusalem lam te kem yangki.




Ite pak me jhot ne tampu nyoiching a bangchingnyu ü-at ne ngoh nang. Tüo nyoi te Golgatha, shangwaan nyoiching shenyik nang.



Hatuo me kengphat lan e Jesu te tangpem me tak e tamyangki.






Tangpem me nyanyange
angpu lai a ngao ülam (3) me
nyanyangki leppu
"Jesu a Jews Anghpa."



Jesu e dak e toilak üyeng
yinglak te lan yangki.



Nyakponglan e Jesu
nyemo ten gin phei
won yangki.



Ümm, lye alüo kahtalan
yintam ya shi?



Nanga Kahwang üha ne mengma
tangpem mepu ngai tüoh!

Nang hei tüman yintampha!

Kahwang te wangshüm hütüoh. Tüman
e tüolak jingne wangnang hüpoi hatüo
kahta e hango toimeng yeling.



Nange nang Anghching te
ongwante üte teih tüo pha!



Taowe nang te üting l nang,
nang a tenyih üphei
wangdang ching me ngohlak.

Pen me ni (12) paji pangpa
me lok e wanghe hah
e ngoh üneo Khongkümpu
wangnyak e ngai.



Jesuüneo John inyu Mary e pinlan
tangpem shongme yonge ngoh.

Sha a nang a ainyu
hüyange iha.



Ü kahwang,Ü Kahwang
nange hangne winne
tüoh pu shi?

Tao yeang
le nangki!



Opa, taowe ü yaha nang
yak te pha e tam nang.



Hatüowa sho te ki.

Jesu nyih ning khonda lüm me liyangki nyahpong ja e Jesu yeküo te tüp yange, yeang hei iy shai e ngai yangki.



Lai me hüke I nang, lye kahta toilangpulan te nyeelan kih e woi yangki!"



Iya tüman ünu jingne tüp e tam yange tenge tam yangki. Hüpoi sha a iya liteki.




Iya pei ne she ngohpu Khrista jepu heya yejepu shi?



Arimathea mepu Joseph hei Nicodemus e Jesu mang yah e tei. Iman e iya nye üyong pheih khak tüp e ang.



Kei tüman e I mang mu oklak jeya she tong nyüo hah



Toloimei shopu hepak me,
yingyepu mo shoyange,
mongshang mongmengpu
shekolan ütam, füosang e
tüp yangphei mangjong
te tai yangki.....



Long a toi loi e
tai mah yangki!

Lipulan yome ngohpu üyin
pate nange hangne lei pu
she? Iya yange yetepu. Tai
yange I pinlan te itüoh!



Peter hei John ni hatüo ngao
jai yang phei me mangjong
te phete e tai yangki.



Hangkih pus hi?



Hatüowa lanshe
ükeng yang!






Mangjong shongpu pasha me....



Sheko nyu nang hangne shap pu shi? Nange aohi te leipu shi?



Üyongpa, nange I yah yah ei?



Mary?




Üyongpa!



Üte tah tük ü jeihei naolan te itüoh tao üpa tangte leih e yepaih üneo nang kahwang tangte leih e yenang.

Tüo nyih Jesu pheite woipupa mongyemeipu kahta ni imman nying nying te lam me lingleipalan pheij Jesu te pak me jhot ne tamlak jeang, lye taisheng e ngoh...

Hüma nange tüo hipa te ütinglak ya? Khrista a müktishiwa pu tüolak jingne shaoshipu jeya? Tüolan khongkümpu a lai me nyan yange ngoh nang!



Mokshe heei hah pu hepak te yinpalan mah küm yangki...

Hüyangpoi Jesu ine ngoh yangki!



Jesu pheite woipulan alüo yamlak jingne iman mamshe angyang tai mah yangki!

Tüman e Kahwang nge yangki!

Mary hei Peter ni o ngoh yangki!



Mokshe....

Taowe nangte chingmei ngoh tam hu nang!




Nange ütinglak ya? Hatüowa tao üya hei yak te lei tüoh!



Ü kahwang hüyang ü youngwanpa!



Jesu e iphei te woipulan tangte nyih deli (40) shaoshi e peiyangki. Iye hepak ja me kahta kho nga (500) phei nehoi shehao pei yangki. Nyih ja lampulan ütäm e Gallillee yeng me nyi om e ngoh yangki....





Peter, nange e üting me üte kün ya?



Jesu e Peter te hatüo ngao lüm me tong yangki.....



Üm Kahwang, taowe nangte kün nang.

Lei tüoh ünyee te!



Üphei te woikei!


Taowe üngan wong khongkümpu kahtok hei wangdang moi ne mepu tüo yangki, Kahtoknyu te tai tüoh hüyang jatlan khongkümpu I yaha min me iman te Bapti e tam tüoh üneo nyüo lei e tam tüoh.



Teih e nyüo yah, taowa nang pheih nyih phe pu mong me kahtoknyu üküm man ngoi mangoi jinte ngohlak.

Hatüo ngao yang pheih me Jesu kahtoknyu angtüoh yange wangdang te woi e ong. Hüpoi iye iyangki, iya kahta khongküm pute ngao phenlak jingne üneo leih e yelak....

Jesu pinlan tan e Jerusalem,
me yoppe ngoh. Üjao yaha,
ma e tamyangki. Tao yaha Jesu
hepak me ngohpu sha a te
ngoi e ngoh nang. Oye okne
tam e kahta üla ne Jesu saki
wong aohe pha lak keih.




Lipa e Kahwang yetük
ok. Kahwange I üyin
yah yeyange iteKhrista
Kahwang ne minge tam.

Jesu pheite woipalan yeonge yemong
yahpoi tai e mah yangki.

Jesu a Kahwang üha!



Hatüo ngaolan a
nyanpu lai kai e o
jai ne tam yangki.



I püm me tüman
ünü kiyange I
tangpem me
liyangki. Tüokhei
tüman a ünu
jingne li nang
üneo sha a
me tange tüman
o sha a me tangte
tüman o Kahwang
mongpu kih e
tüman o ngoh lak.

Sha a Jesu pheite woipalan
kahtoknyukhongkümpu me
üjao ngaolai iyange jam e
yoppu khümlak jingne
hüoyangki. Iman e Jesu lipu
teihtüolak jingne an khüoh
yange wüwungti tei jai e
tam. Iman e Kahwange kenpu
jeng iman mongjang me
ngohpu tamhan
tamhan a Kahwange
mongpu ngoh nang.

Jesu e kahtalan oklak
jingne Kahwang
wongponglan linge
ngai yangki.



Jesu e tümante ken
nang! te minyong
pha e khüm tüoh.



Kahwange kahtoknyu te jamloi kenpu kai e I halom pha yangki.
Aoyin e ite üting lak peih yemahlak hüpoi jinte pu üyin tüolak.

WILLEM DE VINK


Üjao Laitep

Jesu pungao a Üjao Laitep me nyanyange ngohnang. Atüo lai a üjaolai kih e meiyange eyange yenang. Üjao lai me khongküm nyanyange ngohnang. Hatüo lai khongkümpu nyanlak jingne wangpeang haja khonga (1500 yrs) Nanjing yah yangki. Üjao lai a wangpeang khotu (900 yrs) shüo me muh nyan e sho yangki. Tüo lai me kahwange kahtanyuha üyin jeang nyüo e leipa pungao nyanyange ngohnang. Kahwang pungao me Jesu a aohi eih hatüo jeang jao shi e nyan e hüo nang.

Jesu pungao Jeang

Üjao lai me Jesu üyin jeang lai peli me nyanyange ngohnang. Tuo lai nyanpa pheii me min e ngoh yangki. Tüo lai nyanpa lan a Jesu hepak me muh ngohyangki.

1. Mathew- Mathew a Jesu pinlan ne ngoh. Iya kah ngin shaipa ne ngohyangki. Iye Jesu a ünyeine hangke Israel kahtalan pheii shüpsha e ngoh hatüo jeang ngaoyangki.
2. Mark- Mark a Jesu e toiling tam wante pongshitamengpong hepak ne ngohyangki. Jesu e kahnyin wangha toi hüopu jing ütäm iye nyan yangki
3. Luke a Mulipa/soihüngpa ne ngoh yangki. Iya Jesu te mei e yeshingpe ngoh. Jesu e kahtalan pheii hangke shüpsha e ngoh iye hatüo jeang ngaoyangki.



4. John o Jesu pheite woipa ne ngoh. Iye Jesu a aohi eih hatüo jeang hüo e tam. Jesu a kahtalan ünu mepu yinglak jingne kahwang ne meng.

Jesu Puhpu

Jesu Puhpu hepak ne Jesu inyu Mary a nok ne man meng pu yhashaoha hepak ne ngoh. Hüyangpoi kahwange Jesu a nische puh tam lak jingne tümta e tam. Hatüo kahnyin wangha jeang a shao me muh Jesu a alüo kahta ünyci ne puhpu yejipe ngohyangki. Iya alüo nyoiching yenangpu jingne mahu khot me puh yangki.

Jesu Kahnyinwangha



Jesu e kahnyinwangha toi ma e lingyangki. Üjao lai me meitampu jeang deli pheiyi e nyan e ngohnang. Hatüo meitampu jeang me Jesu e kahwang üngan hei kenpu jeang hüo e kahtalan te jamphong yange mongmei ne tam hu nang.



Jesu lipu hei
yangye yepu



Jesu hangne lipu shi? Hatüo jeang khoih
ipua üjao lai me nyanyange ngohnang

Kahwange yemongpu üneo yeshingpu toi ling-yange kahtalan hepak te püohpenpu toi linge ngainang. Tüolan te ünu kahtalan she nyiknang üneo hatüo ünu kai e kahtanyuha kahwang pheï shümpa tempu mepu yentam nang. Tüo jingne Jesu I Hai ite shaoshi yateng pu pheï li yangki. Jesu tüman ünu jingne liyangki tuojingne tuman a I pheï üneo shumpa ne mengyangki. Hüpoi tüman ne hatüo püoh e lingyang pu jingne mongtak e yeteihlak wangpong yang. Hatüo jeang me kahwangte e wong a lipu pheï wong shemeng pu üja she hüo. Jesu a sha kahwang pheï ngohnang. I üyin me ngohpu jingne lye jinte tüman shümpa ne ngohlak. Jesu a kahwang te mongmei ne tampu keh e jingte lye tüman te jam hu nang.

Yoppu

Nange püoh pin yengpu jingne mongmenge teih nange kahwang pheï shümpa tam hu küma nange hatüo kih yop tüoh.

O Kahwang, nange üte ken nang. Nange Jesu üha pha yangki. Nang a tüman ünu jingne tangpem me tak e toiyangki chingmeilamlinge taowe püoh yangpu jingne ümeng winpha Jesu üpheï ngohpu jingne mingyong pha nang. Tao nang pheï ngohpu jingne minyong phanang Tao nang pheï jinte ngoh hu nang. Chingmeilamlinge nange mongpu keh e üte jinte jam ok lak jeya? Nang üpheï jinte o we ngoh ok ning ya? Taowe yoppu te jampu jingne minyong phanang. Nange hanghi jan yah peih üte hatüo kih lingtam pha.

Jesu hei Nang

Jesu pungao a ükum te ngoi e ngohnang Jesu a kahtalan mapu phei shümpa ne tenyih te ngoi e ngohnang, Kahtoknyu a lei jei teki, maapu kahtalan gado hei koipong tok me kempu lak yange kari hei wangling shaha me kem nang. Hüyangpoi kahwang jingne hatüo a hango yoi yoi ne yemeng. Iye Israel kahtok ngoh me kemwan kih e tüman phei she o she ngoh hah shepu. Iya mük e yenge ne ok hüpoi iya üya ütingpa ngohnang, Tenyih iye nange shümpa ne nange Jesu jeang hei I üyin jeang sheyong she shing hu ya?

Nange kahwang jeang hei e üyin jeang shemei she shing hu ya? Shing hu küma hatüo lan linglak yang.

1. Nange üjao lai inewangtüh (Luke e nyanpu ke iyange leppu shing yahtüh)
2. Nange yop ne wangtüh (Kahwang phei ngaopu hei e ngao jaipu me nange ngao ünyei yejonlak wongpong).
3. Kahtalan te Jesu jeang hei üjao lai jeang ngao e tamtüh, Jesu e ephei te woipalan phei jam e hüoyang e iman iphei ngaoyange I jeang yeiong mei e shingne tam hu nang.



Translator Name : T Shinglong Konyak

Publisher : KRISTALAYA MERCY MISSION

Printed : Kristalaya Printers

Text and illustrations : Willem de vink

Copyright 1993 Stitching Wereldtaal, Houten, The Netherlands,

Published in Dutch as "JesusMessias". Edition in Konyak 2021 : ISBN : - 978-94-93178-71-7

Digital copyright under the terms of the Creative commons BY-SA licence.

All right of translation, reproduction and adaptation reserved for all countries.

Worldwide co-edition organized and produced by: Wycliffe Netherlands,

E-mail : jmpbnortheast@gmail.com

Jesu Messiah

Hatüo a Jesu Khrista pungao üting pa ngohnang. Iya wangpeang haja ni (2000 yrs) shao me muh ngoh pei yangki. Aoyin e ephei hüoyah peih yeong e yashan üneo Jesu e lingpu kih aohi o yeling üneo iye epu kih aohi o yengoh. Jesu ngoh jing me kahnginwangha toi melinge ngoh. Jesu Üneo e ite püo e tükpu lan tangte chingmei hei mongmei pei ne tam. Hüpoi mokshe ükum hepak te ngoi e pei I wepalan te iye yeitam, hüpoi hatüo a liküm ne yejepe ngoh yangki. Nang nying nging te Jesu khrista pungao jeang hangke ngao e tai hatüo jeang te leilak ngohnang.



Language : Konyak

ISBN : 978-94-93178-71-7